



შ.პ.ს. „ავიგენას საერთაშორისო საზოგადოებრივი კოლეჯის“ პირველადი გადაუდებელი დახმარების და წესრიგის დაცვის წესი.

ტერმინთა განმარტება

წესში გამოყენებულ ტერმინებს აქვთ შემდეგი მნიშვნელობა:

- ა) შ.პ.ს. „ავიგენას საერთაშორისო საზოგადოებრივი კოლეჯი“ (შემდგომში - „კოლეჯი“).
- ბ) პროფესიული განათლების მასწავლებელი - (შემდგომში - „მასწავლებელი“) პირი, რომელიც ხელშეკრულების საფუძველზე ახორციელებს სწავლებას კოლეჯში პროფესიულ საგანმანათლებლო პროგრამაზე ან პროფესიული მომზადება/გადამზადების პროგრამაზე.
- გ) შ.პ.ს. „ავიგენას საერთაშორისო საზოგადოებრივი კოლეჯის“ დირექტორი (შემდგომში - „დირექტორი“).
- დ) შ.პ.ს. „ავიგენას საერთაშორისო საზოგადოებრივი კოლეჯის“ პერსონალი-თანამშრომელი (შემდგომში - „პერსონალი“) მასწავლებელი, დირექციის/ადმინისტრაციის და დამხმარე პერსონალის წარმომადგენლები.
- ე) პროფესიული სტუდენტი ან მსმენელი - (შემდგომში - „სტუდენტი/მსმენელი“) პირი, რომელიც დადგენილი პროცედურების გავლის (პროფესიული ტესტირება, ან კოლეჯის შიდა ტესტირება, ან გასაუბრება, ან აპლიკანტთა დამატებით შიდა კონკურსის წესით შერჩევა იმ პროფესიული საგანმანათლებლო პროგრამებისთვის, რომლის სავალდებულო პროფესიული მოდულებით გათვალისწინებული სწავლის შედეგების 50% ან მეტი მიიღწევა რეალურ სამუშაო გარემოში) და რანჟირების დოკუმენტში ასახვის შემდგომ ჩაირიცხა კოლეჯში პროფესიულ საგანმანათლებლო პროგრამაზე ან პროფესიული მომზადება/გადამზადების პროგრამაზე.

უსაფრთხოების უზრუნველყოფისა და პირველადი დახმარების აღმოჩენის წესი

მუხლი 1. ზოგადი დებულებები

- 1. წინამდებარე წესი განსაზღვრავს კოლეჯში უსაფრთხოების უზრუნველყოფისა და პირველადი გადაუდებელი დახმარების აღმოჩენის მექანიზმებსა და პროცედურას.
- 2. ამ წესით გათვალისწინებული მექანიზმების განხორციელებაზე პასუხისმგებელია სახანძრო უსაფრთხოების უზრუნველყოფისა და პირველადი დახმარების აღმოჩენაზე დადგენილი წესით დანიშნული პასუხისმგებელი პირი/ები, აგრეთვე კოლეჯის დირექტორი და პერსონალი, რომლებიც ხელმძღვანელობენ საქართველოს კანონმდებლობით, კოლეჯის აქტებითა და წინამდებარე წესით.

მუხლი 2. უსაფრთხოების უზრუნველყოფის ფორმები

- 1. კოლეჯი უზრუნველყოფს:
 - ა) კოლეჯის კუთვნილი ქონების დაცვას;
 - ბ) სახანძრო უსაფრთხოების უზრუნველყოფას;
 - გ) პირველადი სამედიცინო დახმარების აღმოჩენას კოლეჯის შენობა-ნაგებობაში და მის ტერიტორიაზე მყოფი ნებისმიერი პირისათვის, რომელიც საჭიროებს აღნიშნულ დახმარებას;
 - დ) კოლეჯის შენობა-ნაგებობაში უნარშეზღუდული შესაძლებლობის მქონე სტუდენტების დახმარებას გადაადგილების დროს (ასეთების არსებობის შემთხვევაში);

- ე) უსაფრთხოების და წესრიგის დაცვის მექანიზმებს;
- ვ) საჭიროების შემთხვევაში შენობაში მყოფთა ევაკუაციას.

მუხლი 3. ხანძარსაწინააღმდეგო უსაფრთხოების უზრუნველყოფა

1. კოლეჯში ყველა სართულზე თვალსაჩინო ადგილას გამოკრულია სავსებით ევაკუაციო გეგმა, რომლის შესაბამისად საჭიროების შემთხვევაში მოხდება შენობის უსაფრთხო დატოვება;
2. კოლეჯი აღჭურვილია შესაბამისი ხანძარსაწინააღმდეგო ინვენტარით (ცეცხლმაქრი), მისი გამოყენების ინსტრუქცია გამოკრულია აღნიშნულ ინვენტართან და ახსნილია კოლეჯის შესაბამისი პერსონალისათვის, ასევე კოლეჯში გამოკრულია ინსტრუქცია თუ როგორ უნდა იმოქმედონ ხანძრის შემთხვევაში (რა კონკრეტული ინფორმაცია უნდა გადასცენ 112-ს), კერძოდ, შენობის მისამართი, ხანძრის გაჩენის ადგილი და საკუთარი სახელი/გვარი;
3. აკრძალულია კოლეჯის შენობაში ადვილადააღებადი, ფეთქებადი და მხუთავი აირების შემცველი ნივთიერებების შეტანა;
4. სახანძრო უსაფრთხოების უზრუნველყოფაზე დადგენილი წესით დანიშნული პასუხისმგებელი პირი/ები, პერსონალი, მასწავლებელი და სტუდენტები/მსმენელი შენობაში ხანძრის ან წვის ნიშნების (დაკვამლიანება, დამწვრის სუნის, ტემპერატურის აწევის და ა.შ.) აღმოჩენის შემთხვევაში ვალდებული არიან:
 - ა) დაუყოვნებლივ შეატყობინონ ხანძრის გაჩენის შესახებ კოლეჯის ხელმძღვანელობასა და მორიგე სამსახურებს (სასწრაფო, პატრული და ა.შ.). ამასთან, აუცილებელია დაასახელოს ობიექტის მისამართი, ხანძრის გაჩენის ადგილი, აგრეთვე შეატყობინოს თავისი გვარი/სახელი;
 - ბ) არსებული ძალებისა და საშუალებების გამოყენებით დაუყოვნებლივ მიიღონ ზომები ადამიანთა გადასარჩენად, ევაკუაციაში, მატერიალურ ფასეულობათა გადარჩენასა და ხანძრის ჩაქრობაში;
5. სახანძრო უსაფრთხოების უზრუნველყოფაზე დადგენილი წესით დანიშნული პასუხისმგებელი პირი/ები ვალდებული არიან:
 - ა) შეამოწმონ ხანძარსაწინააღმდეგო დაცვის ავტომატური სისტემის (ხანძრის შესახებ მაუწყებლობის, ხანძრის ჩაქრობის, კვამლსაწინააღმდეგო დაცვის) მუშაუნარიანობა;
 - ბ) საჭიროების შემთხვევაში გამორთონ ელექტროენერგია (გარდა ხანძარსაწინააღმდეგო დაცვის სისტემებისა), შეაჩერონ გადასატანი მოწყობილობების, აგრეგატების, აპარატების მუშაობა, გადაკეტონ ნედლეულის, გაზისა და წყლის კომუნიკაციები, შეაჩერონ ავარიულ და მასთან მომიჯნავე სათავსებში სავენტილაციო სისტემების მუშაობა, შეასრულონ სხვა ღონისძიებები, რომლებიც ხელს შეუწყობს შენობის სათავსებში ხანძრის გავრცელებისა და დაკვამლიანების თავიდან აცილებას;
 - გ) შეწყვიტონ შენობაში ყველა სამუშაო (თუ ეს წარმოების ტექნოლოგიური პროცესით დასაშვებია), გარდა სამუშაოებისა, რომლებიც დაკავშირებულია ხანძრის ლიკვიდაციასთან;
 - დ) გაიყვანონ საშიში ზონის ფარგლებს გარეთ ყველა მუშაკი, რომელიც არ მონაწილეობს ხანძრის ჩაქრობაში;
 - ე) სახანძრო დაცვის დანაყოფის მოსვლამდე განახორციელონ ხანძრის ჩაქრობის საერთო ხელმძღვანელობა;
 - ვ) უზრუნველყონ ხანძრის ჩაქრობაში მონაწილეთა მიერ უსაფრთხოების წესების მოთხოვნების დაცვა;
 - ზ) ხანძრის ჩაქრობასთან ერთად ორგანიზება გაუწიონ მატერიალურ ფასეულობათა ევაკუაციას და დაცვას;
 - თ) ორგანიზება გაუწიონ სახანძრო დაცვის დანაყოფების შეხვედრას და მათთვის დახმარების აღმოჩენას ხანძრის კერასთან მისასვლელი უმოკლესი გზების შერჩევაში;
 - ი) სახანძრო დაცვის დანაყოფის მისვლისთანავე მიაწოდონ ინფორმაცია ხანძრის ჩაქრობის ხელმძღვანელს ობიექტის კონსტრუქციული და ტექნოლოგიური თავისებურებების, მომიჯნავე შენობებისა და ნაგებობების შესახებ, შენახული და გამოსაყენებელი ნივთიერებების, მასალების, ნაწარმის რაოდენობასა და ხანძარსაშიმთვისებებზე და ხანძრის წარმატებით ლიკვიდაციისთვის საჭირო სხვა მონაცემებზე, აგრეთვე გაუწიონ ორგანიზება ობიექტის ძალებისა და საშუალებების ჩაბმას ხანძრის ჩაქრობასთან დაკავშირებული აუცილებელი ღონისძიებების განხორციელებაში.
6. ევაკუაციის ნიშანის შემთხვევაში ადგილზე მყოფი კოლეჯის თანამშრომლები იკავებენ მდგომარეობას უახლოეს გასასვლელთან და მეთვალყურეობენ ევაკუაციის მიმდინარეობას.

მუხლი 4. სამედიცინო დახმარების აღმოჩენის უზრუნველყოფა

1. იმ შემთხვევაში, თუ კოლეჯს არ გააჩნია კომპეტენცია, სამედიცინო დახმარება გაუწიოს კოლეჯის სტუდენტს/მსმენელს/პერსონალს, სამედიცინო დახმარების აღმოჩენის უზრუნველსაყოფად, ოპერატიულად იქნება გამოძახებული სასწრაფო დახმარება.

2. სამედიცინო დახმარების აღმოჩენის მექანიზმები:

ა) სტუდენტებს/მსმენელებს და კოლეჯის პერსონალს უფლება აქვთ ნებისმიერ დროს მიმართონ კოლეჯის ექიმს/ექთანს და მიიღონ შესაბამისი კონსულტაცია ან სამედიცინო დახმარება.

ბ) თუ სტუდენტი/მსმენელი/პერსონალი ვერ ახერხებს კოლეჯის ექიმთან/ექთანთან დამოუკიდებლად მისვლას, ამის შესახებ დაუყოვნებლივ უნდა ეცნობოს კოლეჯის ადმინისტრაციას, რომლებიც ვალდებული არიან მიიყვანონ ეს პიროვნება სამედიცინო პუნქტთან.

გ) თუ სტუდენტის/მსმენელის/პერსონალის ჯანმრთელობის მდგომარეობის სირთულიდან გამომდინარე ექვევებში დგება მისი გადაადგილების უსაფრთხოება, კოლეჯში მყოფ ნებისმიერ პირს უფლება აქვს აცნობოს კოლეჯის ექიმს/ექთანს და სთხოვოს მას ავადმყოფის ადგილზე გასინჯვა. კოლეჯის ექიმი/ექთანი ვალდებულია დააკმაყოფილოს ეს თხოვნა.

დ) პირველადი სამედიცინო დახმარების გაწევის შემდეგ აუცილებლობის შემთხვევაში, კოლეჯის ექიმმა/ექთანმა დაუყოვნებლივ უნდა გამოიძახოს სასწრაფო დახმარება და საჭიროების შემთხვევაში სხვა სამსახურები (პოლიცია და ა.შ.).

ე) სასწრაფო სამედიცინო დახმარების სამსახურის გამოძახებისას, კოლეჯის ექიმმა/ექთანმა ოპერატორს უნდა მიაწოდოს ზუსტი ინფორმაცია, კერძოდ:

ე.ა. საკუთარი ტელეფონის ნომერი;

ე.ბ. კოლეჯის მისამართი;

ე.გ. რა შემთხვევასთან გვაქვს საქმე, რამდენად სერიოზულია ის;

ე.დ. დაზარალებულთა რაოდენობა, სქესი, ასაკი და ზოგადი მდგომარეობა;

ე.ე ნებისმიერი სხვა საჭირო ინფორმაცია.

3. კოლეჯის ექიმის/ექთნის ძირითადი ფუნქციებია:

ა) კოლეჯის სტუდენტს/მსმენელს/პერსონალს უსასყიდლოდ აღმოუჩინოს პირველადი სამედიცინო დახმარება;

ბ) კოლეჯის ტუდენტს/მსმენელს/პერსონალს უსასყიდლოდ გაუწიოს კონსულტაცია თავისი კომპეტენციის ფარგლებში;

გ) ხელი შეუწყოს კოლეჯში ცხოვრების ჯანსაღი წესის დანერგვას;

დ) შესაძლებლობის ფარგლებში გაატაროს აუცილებელი ღონისძიებები დაავადებათა გავრცელების თავიდან აცილების მიზნით.

ე) ამ ამოცანების ეფექტურად შესრულების მიზნით, კოლეჯის ექიმს/ექთანს გამოყოფილი აქვს სათანადო ინვენტარითა და მედიკამენტებით აღჭურვილი ოთახი. ოთახში არის ყველა საჭირო ინვენტარი და პირველადი დახმარებისათვის აუცილებელი სხვადასხვა სამკურნალო საშუალებები.

მუხლი 5. უსაფრთხოების და წესრიგის დაცვის მექანიზმები

1. კოლეჯის დაცვის თანამშრომელი(ებ)ი ან/და შესაბამისი პასუხისმგებელი პირი(ები) ვალდებული არიან მუდმივად აკონტროლონ კოლეჯში დამონტაჟებული სამეთვალყურეო კამერები (ასეთის არსებობის შემთხვევაში) და დარღვევის აღმოჩენის შემთხვევაში დაუყოვნებლივ აღმოუხვრან იგი. საჭიროების შემთხვევაში ისინი უფლებამოსილი არიან დაათვალიერონ სამეთვალყურეო კამერის ჩანაწერები.

2. კოლეჯის შენობაში უცხო პირისაგან შესვლის მოთხოვნის შემთხვევაში დაცვის თანამშრომელი(ებ)ი ვალდებული არიან სტუმარს მოთხოვონ დამხვედრის დასახელება და სტუმრობის მიზეზი, დაუკავშირდენ დამხვედრ პირს და მისი მხრიდან თანხმობის შემთხვევაში მოთხოვონ სტუმარს პირადობის ან მართვის მოწმობა, შესაბამის ჟურნალში მიუთითონ:

ა) სტუმრის სახელი და გვარი;

ბ) დამხვედრი თანამშრომელი;

გ) სტუმრობის მიზეზი

დ) კოლეჯში შემოსვლის თარიღი და დრო.

3. სტუმრის პირადობის ან მართვის დამადასტურებელი მოწმობა რჩება დაცვის თანამშრომელთან მანამ, სანამ პიროვნება არ დატოვებს კოლეჯის შენობას.

4. ყველა სტუდენტი/მსმენელი ვალდებულია თან იქონიოს პირადობის მოწმობა ან სხვა მაიდენტიფიცირებელი დოკუმენტი და მოთხოვნის შემთხვევაში, წარუდგინოს დაცვის თანამშრომლებს კოლეჯში შესვლისას. სხვა შემთხვევაში იდენტიფიცირება ხდება ადმინისტრაციაში მონაცემთა ბაზის მეშვეობით.

5. სტუდენტის/მსმენელის მხრიდან ეთიკის კოდექსის დარღვევის შემთხვევაში (ფიზიკური ან/და სიტყვიერი დაპირისპირება, კოლეჯის ინვენტარის დაზიანება, წესრიგის დარღვევა, უხამსი საქციელი, ბილწისტიყვობა და სხვა) დაცვის თანამშრომელი, რომელმაც აღმოაჩინა დარღვევა, ადმინისტრაციის შესაბამის უფლებამოსილ თანამშრომელთან ერთად ადგენს ოქმს, სადაც აღწერილია დარღვევის არსი, დამრღვევის მონაცემები (გვარი, სახელი, პირადი ნომერი, სპეციალობა, ჯგუფი), დამრღვევის ახსნაგანმარტება. შედგენილი ოქმი განსახილველად გადაეცემა კოლეჯის დირექციას, რომელიც ხელმძღვანელობს კოლეჯის შინაგანაწესით.


მუხლი 6. გარდამავალი დებულებანი

1. კოლეჯს აქვს უფლება უსაფრთხოების დასაცავად განახორციელოს ისეთი ქმედება, რაც ამ წესით არ არის განსაზღვრული, რომელიც უნდა შეესაბამებოდეს საქართველოს მოქმედ კანონმდებლობასა და დამდგარ ფაქტობრივ მდგომარეობას, რომლის გამოც საჭირო გახდება ასეთი წესების გამოყენება.
2. წინამდებარე წესს დანართის სახით თან ახლავს უსაფრთხოების უზრუნველყოფისა და პირველადი დახმარების აღმოჩენის მიზნით ზოგადი ქმედებების ინსტრუქციები, რომლებიც წარმოადგენენ სავალდებულო შინაარსის მქონე რეკომენდაციებს (დანართი 2).

მუხლი 7. დასკვნითი დებულებანი

1. ამ წესს ბრძანებით ამტკიცებს კოლეჯის დირექტორი.
2. ამ წესში ცვლილებების და/ან დამატებების შეტანა ხდება კოლეჯის დირექტორის ბრძანებით.

ცეცხლმაქრის გამოყენების ინსტრუქცია



საჭირო ნომრები:

გადაუდებელ და საგანგებო სიტუაციებში დახმარების გამოძახების ერთიანი სატელეფონო ნომერია 112

„112“ არის 24-საათიანი საგანგებო სიტუაციების მართვის ცენტრი, სადაც ყველას შეუძლია დარეკოს გადაუდებელი დახმარების მისაღებად.

„112“-ზე დარეკვა შესაძლებელია ნებისმიერი სახის ტელეფონიდან, სახლის ტელეფონიდანაც და მობილურიდანაც. 112-ზე დარეკვა უფასოა.

112-ზე დარეკვისას ისაუბრეთ გარკვევით და მშვიდად უთხარით ოპერატორს თქვენი სახელი და ადგილსამყოფელი. არ დაკიდოთ ყურმილი პირველმა. ვებ-გვერდი: www.112.ge

როგორ მოვიქცეთ ხანძრის დროს

ცეცხლის კერის დანახვისთანავე დაუყოვნებლივ დატოვეთ შენობა ან შეეცადეთ ჩააქროთ ცეცხლი. საჭიროების შემთხვევაში ისარგებლეთ საევაკუაციო გასასვლელით. თუ გადაწყვეტთ, რომ არ დატოვოთ შენობა და თავად შეებრძოლო ცეცხლს, მაშინ აუცილებელია დაიცვათ შემდეგი მოთხოვნები:

1. თუ თვლით, რომ ცეცხლთან გამკლავება ძნელი იქნება ცეცხლის ჩაქრობის დაწყებამდე აუცილებლად უნდა დარეკოთ სახანძროში;
2. უნდა იცოდეთ ცეცხლმაქრის გამოყენების წესები. თუ წესები არ იცით დაუყოვნებლივ დატოვეთ შენობა.
3. აუცილებლად უნდა შეამოწმოთ არის თუ არა ცეცხლმაქრი სავსე.
4. კოლეჯის დაცვისა და უფლებამოსილი თანამშრომლის მოთხოვნის შემთხვევაში სტუდენტი/მსმენელი ვალდებულია დაუყოვნებლივ დატოვოს შენობა. თუ ხანძრის დროს ვერ ახერხებთ შენობიდან გამოსვლას:
 1. შედით ყველაზე უსაფრთხო ოთახში, დაკეტეთ კარები და კარებთან დააფინეთ სველი ტილო ან სხვა ნაჭერი ისე, რომ მაქსიმალურად შეზღუდოთ ოთახში კვამლის შემოსვლა;
 2. თუ თქვენსა და ცეცხლის კერას შორის არის ერთი ან რამდენიმე კარი, აუცილებლად დაკეტეთ ყველა კარი;
 3. იყავით მზად იმისათვის, რომ მოვლენ თქვენს დასახმარებლად და ყური დაუგდეთ შესაბამის სიგნალს.
 4. თუ კვამლმა შემოაღწია ოთახში, დაწექით იატაკზე, ისუნთქეთ მხოლოდ ცხვირით და სუნთქვისას აიფარეთ ცხვირსახოცი ან სხვა ნაჭერი.
 5. თუ გადაწყვეტთ გაიაროთ ცეცხლმოკიდებულ ტერიტორიაზე, აუცილებლად დაიფარეთ წინასწარ თავი და თმები, შეიკავეთ სუნთქვა და იმოძრავეთ შეძლებისდაგვარად სწრაფად. მოძრაობისას ეცადეთ მაქსიმალურად დახუჭოთ თვალები.

6. სსსმ სტუდენტები აუცილებლად უნდა გავიდნენ ყველაზე უსაფრთხო ოთახში და დაელოდონ დახმარებას ან დახმარება სთხოვონ ადმინისტრაციულ პერსონალს.

7. თუ ნახავთ, რომ შენობა ევაკუირებულია ან იქ იმყოფება მხოლოდ ადმინისტრაციული პერსონალი სასწრაფოდ დატოვეთ შენობა. საჭიროების შემთხვევაში ისარგებლეთ საევაკუაციო გასასვლელით. **შენობაში (კოლეჯის შიგნით) გარდა გამოყოფილი ადგილებისა აკრძალულია:**

- სიგარეტის მოწევა;
- კუსტარული ელექტროგამათბობლებით ან ელექტროგამაცხელებლებით სარგებლობა;
- ღია ცეცხლით ან ღია ცეცხლის წყაროთი სარგებლობა;
- საწვავის, ზეთის ან სხვა აალებადი ნივთიერებების შენახვა და სარგებლობა;
- კოლეჯის წინამდებარე ტერიტორიასთან მისასვლელი გზების ავტომანქანებით ან სხვა საშუალებებით ჩახერგვა. **კოლეჯის სახანძრო უსაფრთხოების უზრუნველყოფის მიზნით დაცული უნდა იყოს შემდეგი მოთხოვნები:**

შენობაში არსებული ხანძარქრობის პირველადი საშუალებები: ცეცხლსაქრობები და სხვა სახანძრო ინვენტარი უნდა იმყოფებოდეს მუდმივად გამართულ მდგომარეობაში. აღნიშნული ინვენტარის შესანახი სახანძრო კარადები უნდა იყოს დაცვის მუშაკების მეთვალყურეობის ქვეშ მათი მუდმივად გამართულ მდგომარეობაში ფუნქციონირების მიზნით.

რეკომენდირებულია: თუ კონკრეტული დაავადებიდან გამომდინარე თქვენთვის აუცილებელია, რომ თქვენი ჯანმთელობის დაზღვევის მიზნით სამედიცინო პუნქტში დამატებით ინახებოდეს სხვა მედიკამენტი, გთხოვთ აუცილებლად აცნობოთ ამის შესახებ კოლეჯის ექიმს/ექთანს. **როგორ მოვიქცეთ ლიფტის ავარიული გაჩერების შემთხვევაში**

1. ლიფტის ავარიული გაჩერების შემთხვევაში არ უნდა აჰყვეთ პანიკას.
2. უნდა დარეკოთ ლიფტში მითითებულ ტელეფონის ნომერზე და ითხოვოთ დახმარება.
3. დარეკვისას სასურველია მიაწოდოთ შემდეგი ინფორმაცია, სახელი, საკონტაქტო ტელეფონის ნომერი.
4. არ შეეხოთ კარებს ან ღილაკებს და დაელოდეთ დახმარებას.

თუ თქვენ შეესწართ, რომ სხვა გაიჭედა ლიფტში დაუყოვნებლივ შეატყობინეთ კოლეჯის დაცვისა და კოლეჯის პერსონალი.

